



Il moderatur da SRF Sven Epiney (dretg) en discurs cun in specialist d'hotellaria.



Luca Stiffler, il tschentaplattas da Tavau, durant sia lavor.

FOTOS G. N. STGIER

Tge multifariadad professiunala

Berna: 1. Campiunadi svizzer da professiun

DA GION NUTEGN STGIER / ANR

A Berna han 1000 mattas e mats che han terminà la primavaira lur emprendissadi cumbatti per daventar campiunessas svizas ubain campiuns svizzers. Tranter las participantas ed ils participants er 27 da noss chantun. Da mesemna fin ier dumengia è la chapitala svizra stada en il center da giuvens e giuvnas. Sin l'areal da la «Bernexpo» ha gi lieu l'emprim Campiunadi svizzer da professiun. Fin quest onn aveva il Campiunadi nazional da professiun lieu individual e decentral per mintga clamada. L'occurrèza ha atratg passa 200 000 visitaders e tranter quels er bleras scolas da tut las regiuns da la Svizra. Il venderdi è er ina delegaziun da l'Uniun grischuna da commerzi ed industria stada a la «swiss skills 2014» per sustegnair las participantas ed ils participants da noss chantun che eran quel di fatschentads cun lur lavor. Ultra da quai han las 30 persunas da las 17 secziuns da commerzi ed industria, ch'appartegnan a l'uniun tetgala, er gi l'occurèza da vesair la multifariadad professiunala che nus avain en Svizra. En acziun eran tar quel campiadadi svizzer da professiun 1000 mattas e mats da 130 differentas clamadas. Eruids en ils campiuns svizzers vegnids en 70 differentas professiuns.



Il constructur Benny Melchior d'Andeer.



Fitg creativas eran cunzunt las floristas.



Il giuven pur Gian Risch Tscharner d'Alvagni.



Leila Eugster da Spleia ha cumbatti per il titel da campiunessa svizra tar las vendidras da charn.



Creaziuns singularas ha er fatg quella pastiziera.



Cuschinier è ina buna professiun da basa.

20 mats e set mattas

Quels quatter dis en er set mattas e 20 mats da noss chantun stads en acziun. Tranter quels er ina rotscha giuvens e giuvnas da las regiuns rumantschas dal Grischun. Quel di che nus essan stads a Berna era *Flavia Schmoz* da Mustér, la miradura, gist fatschentada cun sia lavur da far in mir. Ella era fitg concentrada, quieta e natiralmain sut pressiu cun avair a disposiziun in temp limità per sia lavur. Guardà sur il givè avain nus er a *Tizian Ulber*, il polimecanist da Lantsch. Er el ha strusch fatg ina impressiu dad esser malsegir, ubain guardar co ses concurrents lavuran. Bunamain a fin cun sia lavur era il tschentaplattas *Luca Stiffler* da Tavau che ha gi da far cun plattas in motiv cun la crusch svizra. In da quels 20 mats grischuns ch'eran da la partida tar quel campiadadi è er *Benny Melchior* d'Andeer. El ha fatg in emprendissadi da constructur tar la Hamilton a Panaduz. Tar nossa visita era il giuven fatschentà cun il computer, sco bunamain tuts quels che han fatg in emprendissadi che ha da far cun tecnica. Remarcabel è tuttina che paucs mats e paucas mattas fan in emprendissadi en la gastronomia, a Berna dentant han cuschiniers e cameriers durant lur lavor atratg il pli grond interess dal public. Blera gliעד ha lura er persequità las creaziuns singularas dals pasterners e pastiziers ed in da quels era per exempel er *Janique Koller* da Savognin.



Concentrà cun sia lavur: Tizian Ulber da Lantsch.



E qua avain nus **Martin Heldstab** da Tavau che ha fatg in emprendissadi da constructur.